



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ № Վ-1/8

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«09» Հունվարի 2024թ.

1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի առևտրի և ծառայությունների վարչության աշխատակից Հ. Մարգարյանի կողմից 16.11.2023 թվականին հայտնաբերվել է Վարչական իրավախախտումների վերաբերյալ օրենսգրքի (այսուհետ՝ Օրենսգիրք) 162.3-րդ հոդվածի 1-ին մասով նախատեսված վարչական իրավախախտում, մասնավորապես՝ քաղաքացի Գևորգ Լյովայի Հովհաննիսյանի կողմից 37ՎՕ816 հաշվառման համարանիշի տրանսպորտային միջոցը վաճառքի նպատակով կայանվել է վարձույթի և վաճառքի համար չսահմանված վայրում՝ Երևան քաղաքի Մաշտոցի պողոտայի հ. 37 հասցեի դիմաց, որի վերաբերյալ 04.12.2023 թվականին կազմվել է թիվ Ա-005476 վարչական իրավախախտման վերաբերյալ արձանագրությունը (այսուհետ՝ Արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ: Հարուցված վարչական վարույթի շրջանակներում գործի քննությունը նշանակվել է 09.01.2024 թվականին:

2. Գործի լուծման համար էական նշանակություն ունեցող ապացույցները.

Վարչական վարույթի նյութերում առկա են և որպես մեկ համակցություն, հետազոտվել են՝

1. Արձանագրությունը,
2. Երևանի քաղաքապետարանի առևտրի և ծառայությունների վարչության աշխատակցի 04.12.2023 թվականի «Արձանագրություն» վերտառությամբ նյութը,
3. Երևանի քաղաքապետարանի առևտրի և ծառայությունների վարչության աշխատակցի 09.01.2024 թվականի «Բացատրագիր» վերտառությամբ նյութը,
4. Երևանի քաղաքապետարանի առևտրի և ծառայությունների վարչության աշխատակից Հ. Սիմոնյանի կողմից տրված տեղեկատվությունը,
5. Քաղաքացի Գևորգ Լյովայի Հովհաննիսյանի կողմից ներկայացված առարկությունները,
6. Վարչական իրավախախտման դեպքի հայտնաբերման պահին կատարված լուսանկարները,
7. Արձանագրությունը գործը քննող ստորաբաժանմանը փոխանցելու փաստը հիմնավորող գրությունը,
8. Վարույթի մասնակցին ուղղված ծանուցագիրը.

9. Վարույթի մասնակցին ուղղված ծանուցագրի առաքման փաստը հավաստող փոստային անդորրագիրը,

10. «Հայփոստ» ՓԲ ընկերության հանձնման-ստացման թիվ ALO114518095AM անդորրագիրը,

3. Գործի քննության ընթացքում պարզման ենթակա հանգամանքը.

(ա) վարչական իրավախախտում կատարված լինելու փաստը, (բ) անձի մեղավորությունը վարչական իրավախախտման կատարման մեջ, (գ) անձի՝ վարչական պատասխանատվության ենթակա լինելը, (դ) պատասխանատվությունը մեղմացնող կամ ծանրացնող հանգամանքների առկայությունը, (ե) վարչական իրավախախտման հետևանքով գույքային վնաս պատճառված լինելը, (զ) գործի ճիշտ լուծման համար նշանակություն ունեցող այլ հանգամանքներ:

3.1 Վարչական իրավախախտում կատարված լինելու փաստը. «Առևտրի և ծառայությունների մասին» օրենքի (հետայսու Օրենք) 2-րդ հոդվածի համաձայն՝ ավտոտրանսպորտային միջոցների շուկա՝ առևտրի իրականացման վայր, որտեղ իրականացվում է ավտոտրանսպորտային միջոցների առուվաճառքը:

Օրենքի 3-րդ հոդվածի 2-րդ մասի համաձայն՝ առևտրի իրականացման վայրի տեսակներն են՝ առևտրի կենտրոնները, սպառողական ապրանքների շուկաները, գյուղատնտեսական արտադրանքի շուկաները, ավտոտրանսպորտային միջոցների շուկաները, կենդանիների շուկաները, տոնավաճառները (վերնիսաժները) և ցուցահանդես-վաճառքի անցկացման վայրերը:

Օրենքի 5-րդ հոդվածի 2-րդ կետի համաձայն՝ անհատ ձեռնարկատեր չհանդիսացող ֆիզիկական անձանց թույլատրվում է առուվաճառք իրականացնել միայն գյուղատնտեսական արտադրանքի շուկաներում, ավտոտրանսպորտային միջոցների շուկաներում, կենդանիների շուկաներում և տոնավաճառներում (վերնիսաժներում): Անհատ ձեռնարկատեր չհանդիսացող ֆիզիկական անձանց արգելվում է իրականացնել վաճառք սույն օրենքի 9-րդ հոդվածի 11-րդ և 12-րդ մասերի, 14-րդ մասի «ա» և «բ» ենթակետերով նշված ապրանքների, ինչպես նաև համապատասխանության պարտադիր հավաստման ենթակա սննդամթերքի:

Օրենսգրքի 162.3-րդ հոդվածի 1-ին մասի համաձայն՝ Վաճառքի և վարձույթի նպատակով ավտոտրանսպորտային միջոցը վաճառքի և վարձույթի համար չսահմանված վայրում կայանելը ավտոտրանսպորտային միջոցի սեփականատիրոջ համար՝ առաջացնում է տուգանքի նշանակում՝ սահմանված նվազագույն աշխատավարձի տասնապատիկի չափով:

Սույն հոդվածի 1-ին մասով նախատեսված արարքը, որը կրկին կատարվել է վարչական տույժի միջոց կիրառելուց երեք օր հետո՝ մեկ տարվա ընթացքում՝ առաջացնում է տուգանքի նշանակում՝ սահմանված նվազագույն աշխատավարձի երեսնապատիկի չափով:

Վերագրյալ իրավանորմերի համակարգային վերլուծությունից բխում է, որ ավտոտրանսպորտային միջոցների վաճառքը և վարձույթի պետք է կազմակերպվի դրա համար սահմանված վայրում, իսկ այն դեպքում, երբ համապատասխան գործունեությունը դրսևորվում է սահմանված տարածքից դուրս, ապա առկա է Վարչական իրավախախտումների վերաբերյալ օրենսգրքի 162.3-րդ հոդվածի 1-ին մասով նախատեսված զանցանքի օբյեկտիվ կողմի դրևորումը:

Օբյեկտիվ կողմի առկայության փաստը հաստատվում է վարույթի նյութերում առկա արձանագրության, լուսանկարների, Երևանի քաղաքապետարանի առևտրի և ծառայությունների վարչության աշխատակցի 04.12.2023 թվականի «Արձանագրություն» վերտառությամբ նյութի, Երևանի քաղաքապետարանի առևտրի և ծառայությունների վարչության աշխատակցի 09.01.2024 թվականի «Բացատրագիր» վերտառությամբ նյութի, Երևանի քաղաքապետարանի առևտրի և ծառայությունների վարչության աշխատակցի Հ. Սիմոնյանի կողմից տրված տեղեկատվության համակարգային ուսումնասիրմամբ:

3.2 անձի մեղավորությունը վարչական իրավախախտման կատարման մեջ, վարձույթի և վաճառքի համար չսահմանված վայրում 37V0816 հաշվառման համարանիշի տրանսպորտային միջոցը գտնվել է Երևան քաղաքի Մաշտոցի պողոտայի հ. 37 հասցեի դիմաց: Խնդրո առարկա հանդիսացող ավտոտրանսպորտային միջոցը վաճառքի և վարձույթի համար չսահմանված վայրում կայանված լինելու մասին են վկայում լուսանկարները, արձանագրությունը, Երևանի քաղաքապետարանի առևտրի և ծառայությունների վարչության աշխատակցի 04.12.2023 թվականի «Արձանագրություն» վերտառությամբ նյութը, Երևանի քաղաքապետարանի առևտրի և ծառայությունների վարչության աշխատակցի 09.01.2024 թվականի «Բացատրագիր» վերտառությամբ նյութը, Երևանի քաղաքապետարանի առևտրի և ծառայությունների վարչության աշխատակցի Հ. Սիմոնյանի կողմից տրված տեղեկատվությունը:

Նման պայմաններում վերոգրյալ ապացույցների մեկ համադրության մեջ ուսումնասիրության արդյունքում փաստվում է քաղաքացի Գևորգ Լյովայի Հովհաննիսյանի մեղքը վերջինիս մեղսագրվող արարքում:

3.3 անձի՝ վարչական պատասխանատվության ենթակա լինելը, քաղաքացի Գևորգ Լյովայի Հովհաննիսյանը՝ հանդիսանում է 16 տարին լրացած անձ, որպիսի պայմաններում վերջինս կարող է ենթարկվել վարչական պատասխանատվության, իսկ քննարկվող դեպքում առկա չեն Օրենսգրքով սահմանված վարչական պատասխանատվությունը բացառող հանգամանքները:

3.4 պատասխանատվությունը մեղմացնող կամ ծանրացնող հանգամանքների առկայությունը. Քննարկվող դեպքում առկա չեն վարչական իրավախախտման համար պատասխանատվությունը ծանրացնող կամ մեղմացնող հանգամանքներ, իսկ Օրենսգրքի 162.3-րդ հոդվածի 1-ին մասով նախատեսված տուգանքի չափը հաստատուն է:

3.5 վարչական իրավախախտման հետևանքով գույքային վնաս պատճառված լինելը. Իրավախախտման պահի դրությամբ իրավախախտման հետևանքով գույքային վնաս չի առաջացել:

3.6 գործի ճիշտ լուծման համար նշանակություն ունեցող այլ հանգամանքներ. Վարչական մարմնի գործը քննելու իրավասությունը հավաստվում է Օրենսգրքի 219.1-րդ հոդվածով, Երևանի քաղաքապետի 30.05.2022 թվականի թիվ 1986-Ա, 25.07.2022 թվականի թիվ 2703-Ա որոշումներով:

Վարչական իրավախախտման վերաբերյալ գործի արձանագրությունը և մյուս նյութերը կազմվել են ՀՀ գործող օրենսդրության պահպանմամբ, մասնավորապես քաղաքացի Գևորգ Լյովայի Հովհաննիսյանը պատշաճ իրազեկվել է թիվ Ա-005476 արձանագրության կազմման տեղի, օրվա և ժամի վերաբերյալ, սակայն ներկա չի գտնվել, դրանով իսկ հրաժարվել է արձանագրության կազմմանը ներկա գտնվել: Գործի նյութերում ոչ վերաբերելի և ոչ թույլատրելի ապացույցներ առկա չեն:

Հարուցված վարչական վարույթի շրջանակներում գործի քննությունը նշանակվել է 09.01.2024 թվականին:

Վարույթին ներկայացավ քաղաքացի Գևորգ Լյովայի Հովհաննիսյանը քաղաքացի Գևորգ Լյովայի Հովհաննիսյանը (անձնագիր AR 0598052, տրված 21.02.2018 թվականին 011-ի կողմից): Վերջինս գործի վերաբերյալ հայտնեց առարկություն այն մասին, որ խնդրո առարկա հանդիսացող ավտոտրանսպորտային միջոցը կայանված չէ վաճառքի նպատակով: Հեռախոսահամարը տեղադրել է իրազեկման համար, մասնավորապես՝ խանգարելու դեպքում կապ հաստատելու նպատակով:

ավտոտրանսպորտային միջոցի վրա տեղադրված է իր հեռախոսահամարի, ավտոտրանսպորտային միջոցի արտադրման տարեթվի և վազքի (քանի կմ է վարած), մակնիշի վերաբերյալ տեղեկատվություն:

Գործի քննությունն իրականացնող իրավասու պաշտոնատար անձի այն հարցին, թե ի՞նչ նպատակով է հեռախոսահամարի, տրանսպորտային միջոցի արտադրման տարեթվի և վազքի վերաբերյալ տեղեկատվությունը տեղադրված մեքենայի վրա երկու տարբեր վայրերում, քաղաքացի Գևորգ Լյովայի Հովհաննիսյանը չհայտնեց որևէ հստակ պարզաբանում:

Գործի քննության ընթացքում քաղաքացի Գևորգ Լյովայի Հովհաննիսյանի կողմից այլ միջնորդություններ չեն ներկայացվել վարչական մարմին:

Հարուցված վարչական վարույթի շրջանակներում 09.01.2024 թվականին կայացած գործի քննության ընթացքում Երևանի քաղաքապետարանի առևտրի և ծառայությունների վարչության աշխատակից Հ. Սիմոնյանը տեղեկատվություն տվեց այն մասին, որ վարչական իրավախախտման հայտնաբերման պահին զանգահարել է 37ՎՕ816 հաշվառման համարանիշի տրանսպորտային միջոցի վրա տեղադրված հեռախոսահամարով և անձը ով պատասխանել է զանգին հայտնել է, որ մեքենան վաճառվում է:

Վարչական իրավախախտումը կատարվել է 16.11.2023 թվականին, ինչի մասին է վկայում վարույթի նյութերում առկա՝ արձանագրությունը, լուսանկարները, Երևանի քաղաքապետարանի առևտրի և ծառայությունների վարչության աշխատակցի 04.12.2023 թվականի «Արձանագրություն» վերտառությամբ նյութը, Երևանի քաղաքապետարանի առևտրի և ծառայությունների վարչության աշխատակցի 09.01.2024 թվականի «Բացատրագիր» վերտառությամբ նյութը, Երևանի քաղաքապետարանի առևտրի և ծառայությունների վարչության աշխատակից Հ. Սիմոնյանի կողմից տրված տեղեկատվությունը: Նման պայմաններում լրացած չէ քաղաքացի Գևորգ Լյովայի Հովհաննիսյանին վարչական պատասխանատվության ենթարկելու վաղեմությունը:

Վարույթի ժամկետի մասով, վարչական մարմինն արձանագրում է, որ վարչական վարույթի մյուս նյութ հանդիսացող «Հայփոստ» ընկերության հանձնման-ստացման անդորրագիրը գործի քննությունն իրականացնող իրավասու պաշտոնատար անձի կողմից ստացվել է 04.01.2024 թվականին (առաքանին հանձնվել է հասցեատիրոջը 18.12.2023 թվականին), որպիսի պահից միջև 09.01.2024 թվականը քիչ է 15 օրից:

4. Գործի քննությունն իրականացնող իրավասու պաշտոնատար անձի եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ 16.11.2023 թվականին քաղաքացի Գևորգ Լյովայի Հովհաննիսյանի կողմից 37ՎՕ816 հաշվառման համարանիշի տրանսպորտային միջոցը վաճառքի նպատակով կայանվել է վարձույթի և վաճառքի համար չսահմանված վայրում՝ Երևան քաղաքի Մաշտոցի պողոտայի հ. 37 հասցեի դիմաց, որով վերջինիս կողմից թույլ է տրվել Օրենսգրքի 162.3-րդ հոդվածի 1-ին մասով նախատեսված վարչական իրավախախտում:

Անդրադառնալով քաղաքացի Գևորգ Լյովայի Հովհաննիսյանի կողմից ներկայացված ավտոմեքենան վաճառքի նպատակով կայանված չլինելու և հեռախոսահամարը իրազեկման համար տեղադրված լինելու վերաբերյալ դիրքորոշումներին վարչական մարմինն արձանագրում է, որ նշված փաստական հանգամանքները հերքվում են ինչպես Երևանի քաղաքապետարանի առևտրի և ծառայությունների վարչության աշխատակից Հ. Սիմոնյանի կողմից տրամադրված

պարագայում բացակայում է մեքենայի տեխնիկական նկարագրության վերաբերյալ տեղեկատվության անհրաժեշտությունը, բացի այդ հիշյալ տեղեկատվությունը տեղադրված է եղել խնդրո առարկա հանդիսացող մեքենայի վրա մի քանի վայրերում:

Բացի վերոնշյալ փաստական հանգամանքները վարչական մարմինը հարկ է համարում մատնանշել նաև, որ 37V0816 հաշվառման համարանիշի տրանսպորտային միջոցի վրա տեղադրված հեռախոսահամարին կատարված զանգահարության ընթացքում զանգին պատասխանած անձի կողմից նույնպես նշվել է, որ ավտոտրանսպորտային միջոցը վաճառվում է:

Վերոգրյալ փաստական հանգամանքների ամբողջական և համակարգային ուսումնասիրությունից ակնհայտ է, որ քաղաքացի Գևորգ Լյովայի Հովհաննիսյանի կողմից ներկայացված դիրքորոշումներն անհիմն են և միտված են գործի քննությունը ճիշտ ուղուց շեղելուն, հետևապես հիշյալ դիրքորոշումները չեն կարող հիմք հանդիսանալ վարչական վարույթը կարճելու համար:

Հաշվի առնելով քաղաքացի Գևորգ Լյովայի Հովհաննիսյանի կողմից տրված բացատրությունները, և վերոնշյալ հանգամանքները վարչական մարմինը գտնում է, որ քննարկվող դեպքում կիրառման ենթակա է Օրենսգրքի 162.3-րդ հոդվածի 1-ին մասով նախատեսվող սանկցիան:

5. Վարչական ակտ ընդունելու իրավական հիմքերը.

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» օրենքի 2-րդ հոդվածով, 3-րդ հոդվածի 2-րդ մասով, Օրենսգրքի, 23-րդ հոդվածի 1-ին մասի 2-րդ կետով, 162.3-րդ հոդվածի 1-ին մասով, 219.1-րդ, 252-րդ, 281-րդ և 282-րդ հոդվածներով, Երևանի քաղաքապետի 30.05.2022 թվականի թիվ 1986-Ա և 25.07.2022 թվականի թիվ 2703-Ա որոշումներով՝

ՈՐՈՇԵՑԻ


1. Քաղաքացի Գևորգ Լյովայի Հովհաննիսյանին Օրենսգրքի 162.3-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 10.000 ՀՀ դրամ գումարի չափով:

2. Նախազգուշացնել քաղաքացի Գևորգ Լյովայի Հովհաննիսյանին, որ Օրենսգրքի 162.3-րդ հոդվածի 1-ին մասով նախատեսված արարքը վարչական տույժի միջոց կիրառելուց երեք օր հետո՝ մեկ տարվա ընթացքում՝ կրկին կատարելը առաջացնում է տուգանքի նշանակում՝ սահմանված նվազագույն աշխատավարձի երեսնապատիկի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

**ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՊԵՏԻ ՏԵՂԱԿԱԼ՝**



ԱՐԱՄ ՄԱՐՏԻՐՈՍՅԱՆ